

Kalaallit aalisariutaanni inuttalersuisarneq pillugu Namminersorlutik Oqartussat nalunaarutaat nr. 13, 17. november 2011-imeersoq

Aalisarneq pillugu Inatsisartut inatsisaat nr. 18 , 31. oktober 1996-imeersumi § 9, imm. 1, § 10 aamma 33 naapertorlugu kingullermik Inatsisartut inatsisaat nr. 17, 3. december 2009-meersukkut allanngortinneqartoq, aalajangerneqassaaq:

Atuuffiit

§ 1. Nalunaarut kalaallit angallataannik 24 miiterimik tamaat naallugu takissusilinnut (t.n.) imaluunniit sinnerlugu nalunaarsorsimasumik inuussutissarsiorluni aalisarnernut atorneqartarpoq.

Inuttalersuineq pillugu malittarisassat

§ 2. Inuttaasut officeriusut minnerpaamik 60 %-ii inuussapput

- 1) inuit pineqartut tamarmik Kalaallit Nunaanni najugaqartutut inuit nalunaarsorsimaffianni nalunaarsorsimassasut, Kalaallit Nunaannilu inuit aqqisa nalunaarsorsimaffianni qaammatisiutit ukiuini kingullerni marlunni nalunaarsorsimassallutik, aamma
- 2) inuit pineqartut tamarmik Kalaallit Nunaannut tamakkiisumik akileraartartussaataassapput, qaammatisiutillu ukiuini kingullerni marlunni Kalaallit Nunaanni tamakkiisumik akileraartartussaataasimassallutik.

Imm. 2. Tamatumunnga atatillugu angallammi inuttaasut imatut inissisimasut officeritut paasineqassapput:

- 1) angallatip naalagaa,
- 2) aquttut,
- 3) igasoq/pilittaq,
- 4) qaavani sulisut naalagaat aamma
- 5) suliffissuarmi pisortaq aamma suliffissuarmi aqutsisoq.

§ 3. Taakku inuttaasunut ilaasut aqumiut , tassaassapput:

- 1) inuit pineqartut tamarmik Kalaallit Nunaanni najugaqartutut inuit nalunaarsorsimaffianni nalunaarsorsimassasut, Kalaallit Nunaannilu inuit aqqisa nalunaarsorsimaffianni qaammatisiutit ukiuini kingullerni marlunni nalunaarsorsimasimassallutik , aamma
- 2) inuit pineqartut tamarmik Kalaallit Nunaannut tamakkiisumik akileraartartussaataassapput, qaammatisiutillu ukiuini kingullerni marlunni Kalaallit Nunaanni tamakkiisumik akileraartartussaataasimassallutik

Imm. 2. Kalaallit Nunaannut nunat tamat aalisartarfiini pisassiissutit atorluarnissaat anguniarlugu, inatsimmi imm. 1 nr. 1-imi 2-milu imm. 1-mi piumasaqaatit eqqaaneqartut inuttaasut 50 %-i qummut

tikillugit immikkut akuersissummik tunisisoqarsinnaavoq. Qinnuteqaat Aalisarnermut, Piniarnermut Nunalerinermullu Naalakkersuisoqarfimmumt nassiunneqassaaq. Immikkut akuersissutinik pisoqassappat angallatip aallannginnerani suliarineqareersimassapput.

§ 4. § 2imm. 1, nr. 1 aamma 2 aammalu § 3, imm. 1, nr. 1 aamma 2 naammassineqarsimanersut pillugit nalilersuinermit, Kalaallit Nunaata avataaniikkallartarnerit naatsorsuutigineqassanngillat. Avataaniikkallartarnerit qaammatinit 14-init sivikinnerussapput. Inuk pineqartoq atorfininnerup nalaani Kalaallit Nunaanni najugaqartutut inuit nalunaarsorsimaffianni nalunaarsorsimassaaq, kiisalu Kalaallit Nunaannut tamakkiisumik akileraartartussaataaassalluni.

Imm. 2. Inuk ilinniarnernumt atatillugu Kalaallit Nunaata avataaniissaguni, § 2 imm. 1 nr. 1 aamma 2-mit, aammalu § 3, imm. 1, nr. 1 aamma 2-mit immikkut akuerineqarneq pillugu qinnuteqarsinnaavoq. Qinnuteqaat ilinniarnernumt uppersarsaammik imaqassaaq. Assersuutigalugu uppersarsaat tassaasinnaavoq soraarummeersimanernumt uppersarsaat, imaluunniit ilinniagaqarfissamut inuit tiguneqarnerinut uppersarsaat. Qinnuteqaat uppersarsaatillu Aalisarnermut, Piniarnermut Nunalerinermullu Naalakkersuisoqarfimmumt nassiunneqassapput. Immikkut akuersissutinik pisoqassappat angallatip aallannginnerani suliarineqareersimassapput.

Imm. 3. Immikkut akuersissut ukiunut marlunnut atuuppoq.

§ 5. Inuttaasut ilaat uku, maskiinalerisut naalagaasut maskinmesteriusullu kiisalu tekniikerit, suliffissuup atortorissaarutaanik aserfallatsaaliuinermit taamaallaat suliaqartut, § 2 imm. 1, aamma § 3 imm. 1-mi malittarisassanumt ilaatinneqanngillat.

§ 6. Aalisarnerup nalaani angallammi inunnik sulisussanik atorfinitsitsinermit, § 2 imm. 1 nr. 1 aamma 2, kiisalu § 3 imm. 1 aamma 2, eqqortinneqarnissaat atorfinitsitsisup akisussaaffigaa.

Imm. 2. Kalaallit Nunaannut atorfinitsinneqartup attuumassuteqarneranumt uppersarsaat uppersarsaatiut immersuiffik atorineqarsinnaavoq, ilanngussaq 1 takuuk.

Imm. 3. Atorfinitsinneqartup atia, atorfiup taaguutaa, Inuup-normua kommunilu najugaqarfia kiisalu pineqartup § 2, imm. 1, normu 1 aamma 2 naammassisimanerai, atorfinitsitsinerumt atatillugu aalisarluni angalanernumt inuttalersuinerumt allattuivimmi allanneqassapput kingusinnerpaamillu angallatip aalisarluni aallalernerani allanneqassallutik.

Imm. 4. Inuttalersuinerumt allattuivik ilanngussatut 2-tut ilanngussimasoq atorineqartussaavoq. Kalaallit Nunaanni Namminersorlutik Oqartussat nittartagaanni [www. nanoq.gl/gflk-ikkut](http://www.nanoq.gl/gflk-ikkut) pissarsiarineqarsinnaavoq. Allattuivittaag Kalaallit Nunaanni Aalisarsinnaanernumt Akuersissutinik Nakkutilliisoqarfik, (KANUAANA) attavigalugu, postboks 501, 3900 Nuuk, imaluunniit e-post [gflk@nanoq. gl](mailto:gflk@nanoq.gl)-ikkut pissarsiarineqarsinnaavoq.

Imm. 5. Inuttalersuinerumt allattuivik uppersarsaatinumt immersuivilluunniit KANUAANA-mut umiarsuup ingerlarnanik nalunaarsuivimmumt ilanngullugu nassiunneqassaaq.

Imm. 6. Angallatit qarasaasiakkumt umiarsuup ingerlarnanik nalunaarsuivinnik nassiussisussat, inuttalersuinerumt allattuivik uppersarsaatinullu immersuivik qarasaasiakkumt nassiutissavaattaag.

Pineqaatissiisarnerit

§ 7. § 2-mik, imm. 1, aamma § 3-mik unioqutitsinerup, Kalaallit Nunaannut pinerluttulerineq

pillugu inatsimmi malittarisassat naapertorlugit akiliisitsissut kingunerisinnaavaa. Tamannattaq ingerlatseqatigiiffinnut atuuppoq.

Atortuulersitsineq

§ 8. Nalunaarut ulloq 1. januar 2012 atuutilersinneqassaaq.

Imm. 2. Atuutilersitsinermi kalaallit aalisariutaannik inuttalersuineq pillugu Namminersornerullutik Oqartussat naluraarutaat nr. 35, 28. oktober 1993-meersoq atorunnaarsinneqassaaq.

Kalaallit Nunaanni Namminersorlutik Oqartussat, ulloq 17. november 2011.

Ane Hansen

/

Jens K. Lyberth

Ilanngussaq 1

Ilanngussaq 2